

來鳳縣志卷九

建置志

壇廟 寺觀附

萬壽行宮在城東南隅武廟左道光四年知縣范炳監勸建以爲朝賀之所同治元年燬

先農壇在東門外乾隆四年建壇後正屋三間中供神位左藏祭品農具右存籍田米穀東配房一間辨祭品西配房一間農民居之

社稷壇在北門外乾隆二十一年知縣林翼池捐建

來鳳縣志 卷之九 建置志 壇廟

神祇壇在南門外乾隆二十一年知縣林翼池捐建

按舊名山川壇嘉慶十六年奉部文更正

厲壇在北門外乾隆二十一年知縣林翼池捐建

按壇無定制京都曰泰厲府州曰郡厲縣曰邑厲

聖廟在縣城內東北乾隆四年知縣于執中倡建嘉慶元年燬於賊七年知縣朱鳴鳳訓導蕭琴倡率重建同治元年正月復燬於賊二年知縣任廷槐倡率重建

按會典稱爲至聖先師廟復稱曰文廟咸豐中升文昌宮爲文廟乃專稱聖廟

崇聖祠在大成殿後

名宦祠在戟門左

鄉賢祠在戟門右

武廟在城東南隅城隍廟左乾隆四年建嘉慶元年燬於賊

後重建同治元年正月復燬於賊今重建未竣

按雍正八年特尊關帝廟爲武廟

文廟在城內白鳥巷卽岐陽書院舊址嘉慶三年改爲孫文

靖公祠旋廢嘉慶六年改祀文昌同治元年正月燬於

賊

來鳳縣志

卷之九

建置志

壇廟

二

按文昌自元明以來惟民間禮祀故未入會典嘉慶六年五月始列入祀典咸豐中奉文尊孔廟爲聖廟文昌宮改稱文廟與武廟並列中祀

城隍廟在城東南隅武廟右乾隆四年建嘉慶丙辰匪變傾圮後經官紳修復道光六年知縣方策重修同治元年燬於賊僅存正殿同治四年重修

火神祠在城內碧秋巷咸豐元年知縣林士端勸建同治元年燬於賊

龍神祠在縣署左咸豐元年知縣林士端勸建

朱文公祠在縣署左卽仰止書院舉人曾有光等建道光十七年重修道光三十年知縣林士端卽祠前建立考棚同治元年考棚燬於賊

昭忠祠嘉慶四年附建城隍廟西偏祀殉難知縣莊公級蘭訓導甘公杜典史張公甯旋圮道光十七年署知縣繆庭澂復建於關帝宮後左側並附祀殉難生員蕭大鍾何潭周南及陣亡兵勇捐錢四十千派首事掌管以爲祭祀之資同治元年燬於賊

張公祠一在西城外牛車坪一在元阜里沙坨坪乾隆來鳳縣志

卷之九

建置志

壇廟

三

年邑人公建祀前知縣太康張公冲爲民興水利者王公祠在城內碧秋巷祀殉難知縣王公頌三同治二年秋知縣任廷槐率閩邑紳庶奉文建

王公祠在城西麂子峽嘉慶時邑人公建祀前署知縣利川縣丞王公三錫圮

孫文靖公祠在城內白鳥巷岐陽書院故址也祀四川總督孫文靖公士毅嘉慶六年廢爲文昌宮

元后宮在城隍廟右祀黃帝元妃西陵氏咸豐年間建同治元年燬於賊

東嶽宮在城隍廟東偏道光六年知縣方策建

武聖宮在千總署側閣營公建同治四年重建

三義宮在南門內祀張桓侯同治三年重建一在卯崗

司

軒轅廟在武廟左側同治二年建

孫真人祠在武廟左側俗名藥王殿同治二年邑人張

培桂捐建

南華宮在城內青桐巷

案南華宮以南華山得名六祖惠能愛曹溪水香從

來鳳縣志

卷之九

建置志

壇廟

四

地主求一袈裟地地主許之遂以袈裟覆地周南華

山方圓八十里焉

禹王宮在南門內湖南會館也乾隆二十年建同治元

年燬於賊大殿獨存同治四年重修卯崗大河壩舊司

場皆有之

許真君廟一名萬壽宮江西會館也在南門外乾隆二

十年建嘉慶二十一年重建同治元年半燬於賊卯崗

大河壩舊司場上寨場皆有之

天后宮在東門內福建會館也

浙江會館在城內白鳥巷道光年間建祀關聖文昌
魁星閣在東門外朝陽書院前嘉慶三年知縣康義民
建

鳴鳳樓在城東半邊城道光甲辰知縣陳炳常率紳士
公建樓凡三層高八九丈聳入雲霄勢甚巍煥上層祀
魁星中層祀關帝文昌樓後爲屋二棟前堂後室各三
間以爲游晏之所咸豐辛酉冬爲髮逆所燬

靈官廟在城西虎耳山同治元年燬於賊

案靈官之神世所稱王元帥者天將二十六第一位

來鳳縣志

卷之九

建置志

壇廟

五

也倪岳青溪漫錄劉侗帝京景物畧孫國救燕郡游
覽志俱載之明成祖禱輒應乃命祀於宮城西又勅
建天將廟張獻忠少時嘗夜盜武當山佛頂金冠遇
靈官厲聲叱之其靈異如此宜其血食不絕也

雷神祠在城東翔鳳山頂道光年建

財神祠在南門外清泰街祀俗所謂黑虎元壇趙公明
同治二年建

張王廟在仁育里明卯崗土司建相傳昭烈入蜀時命
桓侯招撫諸崗蠻故歷來土司祀之甚謹

川主廟在元阜里舊屋基

案川主廟祀秦蜀郡太守李冰李公治水淘灘笮堰功德在民其子二郎復以神力佐公治孽龍永無水患元至順元年封李公冰爲聖德廣裕英惠王封二郎神爲英烈昭惠靈顯仁祐王見元史本紀 國朝雍正五年從川撫憲德之請封冰敷澤興濟通祐王封二郎承績廣惠顯英王

天王廟一在舊司場一在縣南三十里瑪瑙河教匪髮匪作亂俱顯靈異

來鳳縣志

卷之九

建置志

壇廟

六

案白帝天王之祀始於湖南嘉慶間湖督某請入祀典部議從之廣虞初新志載白帝姓楊氏湖南乾州鴉溪人母感龍而孕一產三男各右勇力武藝絕倫遇苗人不靖集村人數十討平之時宋南渡後事也朝廷召至杭見其狀貌英異恐爲邊患頒以鳩酒令歸共妻孥飲之未至家苦熱開瓶取飲三人皆中毒死而靈不昧屢著神異官民立廟祀之故稱白帝天王第三郎尤顯應云

飛山廟在客寨河祀唐誠州刺史楊再思

案唐誠州卽今之靖州也考方輿紀要飛山在湖南靖州西北十五里俗呼勝山蠻人保障於此號飛山蠻揚再思爲刺史時史稱其嘗駐兵於飛山寨蓋奪其險使蠻失所恃也宋紹興間封威遠侯立廟祀之魯班廟在城內關帝廟側工師匠人公建

三撫宮一在大河壩一在舊司場

案三撫神相傳爲三姓土司生有惠政民不能忘故沒而祭於鄉社頗著靈異水旱禱之輒應

文昌宮在縣南五十里育鳳山咸豐間里人田有糧捐

來鳳縣志

卷之九

建置志

壇廟

七

建並捐田產作里中子弟膏火之資

南離宮在舊司場

水府廟在上寨場

關帝廟一在土堡一在卯崗一在舊司場一在上寨場

一在觀音橋一在忠崇里小鷺嶺一在蒲西欄馬山一

在貞肅里明散毛土司建一在紅沙田

黑神廟在元阜里後坪祀唐睢陽殉難南將軍霽雲

寺觀附

乾元寺在縣東五里

大觀寺在縣東南二里翔鳳山頂

仙佛寺在元阜里佛潭巖

興隆寺在亨康里

興隆菴在貞肅里前明散毛土司建

祖師殿在縣西南六十里

朝元寺在縣西南七十里

觀音閣在卯崗司下臨大河

廻龍觀一在縣西二十里一在縣南五十里

飛來閣在縣西三里茅坪知縣方策建築石臺咸豐間

來鳳縣志

卷之九

建置志

壇廟

八

里人建閣其上辛酉燬於賊同治四年復建

雲臺寺在縣南五十里廻龍橋之上

定雲菴在縣西貞肅里

玉皇閣在忠崇里小鷲嶺

觀音菴在忠崇里望月山

鳳凰菴在猴栗堡

龍鳳觀在縣東南水寨明時建

秦古寺在仁育里